

Athikele ID 18572

Karolo: Athikele ya Tlhabololo

Go tlhalosa magatwe a “mmatlisisi” le diphelelo tsa one mo kgannyeng ya Aforika ya boithuta-marope le boithuta-masaledi a setho

Tshobokanyo

Dikgopolo tsa mmatlisisi, loeto-patlisiso, le go kopanya dintlha tse pedi tseno go nna magatwe a mmatlisisi e ntse e le karolo ya botlhokwa ya mokgwa o batho ba dinaga tsa Bophirima ba akanyang ka one go feta dingwaga di le 200. Se re se dirang fano ke go tlhalosa ka bokhutshwane tshimologo ya dikgopolo tseno, le go dirisa tsela e e phepafetseng sentle eno ya magatwe a mmatlisisi go akanyetsa ka fa boithuta-marope le boithuta-masaledi a setho mo lekgolong la dingwaga la bo20 le go fitlha ga jaanong go tsweleng pele go bontsha maikutlo a kgethololo, a a siilweng ke nako - a mangwe a bontshiwa fela ka tlhamalalo go gaisa a mangwe. Re sekaseka go bona boemo jwa ga Raymond Dart le thibololo ya Ngwana wa kwa Taung le gore go ne ga kwalwa pego jang ka bone ya magatwe a mmatlisisi. Gape re tlhalosa ka fa dikgopolo tse di siilweng ke nako tseno di tsweleng ka gone go tlhotlhomisa gore ke mekgwa efe ya bonetetshi le diphelelo tsa yone tse di tsewang di le botlhokwa le gore ke dife tse di sa tsewang di le botlhokwa, e leng seo se dirileng gore go nne le mekgwa ya go epolola masaledi a boithuta-marope le boithuta-masaledi a setho le go kgaphelwa kwa thoko ga banetetshi ba ba santseng ba tlwaela mafulo. Seno se bonala sentle mo ditirong tsa bone tse ba di direlang kwa ntle kwa setšhabeng tse, go tla go fitlha ka letsatsi leno, di leng sekai sa bothata jo bo seng kana ka sepe jwa magatwe a mmatlisisi a a nang le dikgopolo tsa bokolone jwa Dinaga Tsa Bophirima, go itshwara senna le go akanya gore setso sa gagwe se kwa godimo ga sa ba bangwe botlhe. Ka go tlhaloganya gore ba ikutlwa jang ka thibololo le go bega ka tiro ya ga Dart ya ngwana wa kwa Taung, re tlhaloganya botoka lebaka la go bo e santse e na le tlhotlheletso gompiano mo kgannyeng ya boithuta-marope le boithuta-masaledi a setho gompiano, e bile re tshitshinyo gore go dirwe diphetogo tse di mosola tsa serutwa sa setso tse di tla re thusang gore re kgaogane le dikgopolo tseno tsa bokolone le tsa go itshwara senna ka mokgwa o o tla tlhamang isagwe e baithuti botlhe ba tla tshwarwang ka tekatekano.

Botlhokwa jwa tshobokanyo eno:

- Tokomane eno e bontsha ka fa boithuta-marope le boithuta-masaledi a setho bo tsweleng go ngaparela pono e e siilweng ke nako ka gone, ya seabe sa go dira patlisiso ka serutwa seno sa bonetetshi, fa e sa le ka nako ya thibololo ya ga Dart.
- Morago ga moo bo nna bo golagane le palo e e sa lekalekaneng ya banna ba basweu ba ba dirang mo Aforika yotlhe ba ba fitlheletseng katlego ya seporofesinale ka fa tlase ga lenaanethalo leno.
- Re tlhagisa ditshitshinyo tsa mabaka a go bo re batla gore serutwa seno se se ka sa tlhola se tlotlomatsa “mmatlisisi” wa bonetetshi, mme se tlotlomatse tiro ya baithuti ba Maaforika, mo laboratoring kgotsa kwa ntle kwa setšhabeng.
- Ka jalo tokomane eno e tlhagisa temoso e kgolo ka ga kgethololo ya bonetetshi, ditshimologo tsa yone, le ditšhono tsa go baakanya phoso eo.

Mafoko a konokono: patlisiso, magatwe a mogaka, Dart, Taung, bokolone